

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1910396611 որոշումը բեկանելու և վարչական իրավախախտման վերաբերյալ գործը նոր քննության ուղարկելու մասին

«17» 01 2020թ. 17-4-238

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս վերանայելով Գեղամ Ասատրյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Opel մակնիշի 36 NC 200 համարանիշի տրանսպորտային միջոցի վարորդը 28.10.2019թ-ին ժամը 14:58-ին Երևան քաղաքում գերազանցել է երթևեկության սահմանված արագությունը՝ խախտելով Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 1-ին մասի պահանջը, ինչի հետևանքով նշված տրանսպորտային միջոցի սեփականատեր Լևոն Առաքելյանը Ճանապարհային ոստիկանության թիվ 1910396611 որոշմամբ ենթարկվել է վարչական պատասխանատվության, տուգանքի՝ 3000 ՀՀ դրամի չափով:

Քաղաքացի Գեղամ Ասատրյանը (ՀԾՀ՝ 3812680114, Վ/Վ՝ MB006179, հասցեն՝ ք.Երևան, Ավան 14 փ. 97 տ.) ՀՀ Ոստիկանության ճանապարհային ոստիկանություն դիմում է ներկայացրել՝ հայտնելով, որ վերը նշված թիվ 1910396611 որոշմամբ ամրագրված իրավախախտումը կատարվել է իր կողմից և խնդրել այն վերահասցեագրել իրեն:

Ուսումնասիրությամբ պարզվել է, որ Գեղամ Ասատրյանը 01.06.2016թ-ից մինչև 01.12.2016թ-ը զրկված է եղել տրանսպորտային միջոցներ վարելու իրավունքից, տրանսպորտային միջոցներ վարելու իրավունք կրկին ձեռք չի բերել, ուստի թիվ 1910396611 որոշմամբ արձանագրված խախտումը կատարելու պահին հանդիսացել է տրանսպորտային միջոցներ վարելու իրավունք չունեցող անձ, ինչի համար Վարչական իրավախախտումների վերաբերյալ ՀՀ օրենսգրքի 128-րդ հոդվածի 1-ին մասով սահմանված է տուգանք՝ 20.000 ՀՀ դրամի չափով:

Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասի համաձայն՝ եթե անձը կատարել է մի քանի վարչական իրավախախտումներ, որոնց վերաբերյալ գործերը միաժամանակ քննվում են նույն մարմնի (պաշտոնատար անձի) կողմից, տույժը նշանակվում է առավել լուրջ խախտման համար սահմանված սանկցիայի շրջանակներում:

Հաստատված համարելով այն, որ թիվ 1910396611 որոշմամբ ամրագրված ճանապարհային երթևեկության կանոնի խախտումը կատարվել է Գեղամ Ասատրյանի կողմից և խախտումը կատարելիս վերջինս չի ունեցել գործող վարորդական վկայական, թիվ 1910396611 որոշումը ենթակա է բեկանման, իսկ Գեղամ Ասատրյանը՝ Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասի համաձայն, ենթակա է վարչական պատասխանատվության՝ Վարչական իրավախախտումների վերաբերյալ ՀՀ օրենսգրքի 128-րդ հոդվածի 1-ին մասով սահմանված կարգով:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածով և 293-րդ հոդվածի 1-ին մասի 2-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1910396611 որոշումը բեկանել:

2. Գործն ուղարկել ՃՈ ՃՊԾ 1-ին սպայական գումարտակ՝ Վարչական իրավախախտումների վերաբերյալ ՀՀ օրենսգրքի 128-րդ հոդվածի 1-ին մասով վարույթ իրականացնելու համար:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

4. Սույն որոշման օրինակն ուղարկել Գեղամյան Ասատրյանին (հասցեն՝ ք.Երևան, Ավան 14 փ. 97 տ.), տրանսպորտային միջոցի սեփականատեր Լևոն Առաքելյանին (հասցեն՝ ք.Երևան, Նիկոլ Դումանի փ. 62 տ.), ՃՈ ՃՊԾ 1-ին սպայական գումարտակ և ՏՄՀԽԱ կենտրոն:

Կատարող Ա.Եղիազարյան



Ե.Կարապետյան